

Revizyon Elijiblite Ou Pou Èd Siplemantè Plan Medicare

Avèk Depans pou Medikaman Preskripsyon Kòmanse:

Out 2006 Kèk Bagay Ou Ta Dwe Konnen

2006



Si ou jwenn èd siplemantè Medicare avèk depans pou medikaman sou preskripsyon ou, Sekirite Sosyal ka kontakte ou konsènan sitiyasyon ou. Revizyon sa a la pou verifye si moun ki ap resevwa benefis yo epi ki jwenn èd siplemantè a toujou elijib epi si yo ap resevwa tout benefis yo ta dwe jwenn. Menmsi Sekirite Sosyal pa kontakte ou, ou ka rapòte yon chanjman nan sitiyasyon ou. Nan ka sa a, pwoesisis revizyon an ap diferan epi ou ap resevwa yon avi ki ap eksplike ou sa.

Kilè Sekirite Sosyal ap fè revizyon sa a?

Dapre lalwa, revizyon yo dwe kòmanse nan premye 12 mwa elijiblite ou.

- Si ou te vin elijib ant mwa janvye ak avril 2006, oswa si ou te aplike nan lane 2005 la, epi ou te vin elijib nan mwa janvye 2006, revizyon ou ka fèt nan mwa out 2006.
- Si elijiblite ou te kòmanse nan mwa me 2006, oswa pita, revizyon ou ap fèt nan mwa out 2007.

Kòman Sekirite Sosyal ap kontakte mwen?

Sekirite Sosyal ap voye yon lèt ba ou. Lèt la ap gen ladan li sa dosye nou montre epi l ap di ou sa ou dwe fè apre sa. **Si enfòmasyon sa yo kòrèk, pa gen anyen ou ta dwe fè.** Si yo chanje, n ap mande ou pou retounen lèt yon paj la, ki nan anvlòp la, bay Sekirite Sosyal nan 15 jou.

Remak Enpòtan: Yon ogmantasyon koudlavi nan benefis Sekirite Sosyal ou **p ap** konsidere kòm yon chanjman nan sitiyasyon ou. Pa retounen lèt la pou rapòte yon ogmantasyon koudlavi nan benefis Sekirite Sosyal ou.

Kisa ki ap pase si sitiyasyon mwen chanje?

Si ou retounen lèt la, pou di sitiyasyon ou chanje, n ap voye ba ou yon fòm ki rele, "Social Security Administration Review of Your Eligibility for Extra Help" — "Revizyon Administrasyon Sekirite Sosyal sou Elijiblite Ou pou Èd Siplemantè" pou ou ranpli. Ou ap gen 30 jou pou ranpli epi retounen fòm sa a. Si ou ranpli fòm la nan peryòd 30 jou a, nenpòt ajisteman ki nesesè pou èd siplemantè a ap antre

an efè nan mwa janvye pwochen ane a, toutotan sitiyasyon maryaj ou pa chanje. Pa egzanp, si nou voye yon lèt ba ou nan mwa out 2006 epi ou retounen fòm revizyon an ki montre yon chanjman, nenpòt ajisteman ki nesesè pou èd siplemantè ou ap antre an efè nan mwa janvye 2007.

Lè sitiyasyon mwen revize, kisa ki ap pase nan èd siplemantè mwen?

Nenpòt nan bagay sa yo ka rive:

- Okenn chanjman nan kantite lajan èd siplemantè ou ap resevwa a;
- Yon ogmantasyon nan kantite lajan èd siplemantè ou ap resevwa a;
- Yon rediksyon nan kantite lajan èd siplemantè ou ap resevwa a; oswa;
- Èd siplemantè ou ap sispann.

Sekirite Sosyal ap voye yon lèt ba ou pou eksplike ou ki desizyon ki pran. Si ou kwè desizyon an pa kòrèk, ou ap gen dwa pou fè apèl kont li. Lèt la ap eksplike ou dwa ou genyen pou fè apèl.

Kòman ou ka jwenn plis enfòmasyon?

Pou enfòmasyon sou Plan Medicare pou Medikaman sou Preskripsyon oswa pou lòt zafè Medicare, ale nan wèbsayt www.medicare.gov sou Entènèt oswa rele gratis nan nimewo **1-800-MEDICARE (1-800-633-4227); (TTY 1-877-486-2048)**.

Pou enfòmasyon sou èd siplemantè pou depans ki gen rapò avèk Plan Medicare pou Medikaman sou Preskripsyon oswa pou enfòmasyon jeneral sou Sekirite Sosyal, ale nan wèbsayt nou nan www.socialsecurity.gov. Ou kapab rele Sekirite Sosyal gratis tou nan **1-800-772-1213; (TTY 1-800-325-0778)**.

Si ou rele, tanpri gen lèt la nan men ou lè ou rele. L ap ede nou reponn kesyon ou yo.

